



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Animae Illvstres Ivliae Cliviae Montivm Marchiae
Ravenspurgi Morsae Annexarvmqve Provinciarvm E
Monvmentis Calamo R. P. Theodori Rhay. Societatis Iesv
Redivivae**

Rhay, Theodor

Neobvrgi Ad Danvbium, 1663

Maivs.

urn:nbn:de:hbz:466:1-10835

& plūbo testatur inscriptio, quā, sub plus septuagenario id loci Lutheranismō, in fracto altaris cum alijs Reliquijs anno M. DC. XV. XII. die Mensis Octobris, Diuino beneficio reperit postliminiō Parochus Catholicus cum Religione sub idem tempus introductus. Eædem porrō Reliquiæ cum quibusdam alijs, de SS. Martyribus Achatio, Sulpitio & Aurelia, deque S. Wolffgango à Reuerendissimo & Illustrissimo Principe, ac Domino Ioanne Christophoro Episcopo Eistettensi anno reparatæ salutis M. DC. XVIII. XXI. Maij, supplicatione indictâ comitantibus *Serenissimis Principibus* Populōque Neoburgensi, Feriâ secundâ Rogationum in hoc templum S. Crucis & Omnium SS. delatæ sunt: Qui benedicti in æternum & ultrâ.

MAIUS.

III

SANFRIDVS ortus illustri Cliviorum Ducum sanguine, in Episcopum XVIII. *Ultraiectina Ecclesie*, miro omnium consensu eligitur. Morum sanctitate, in primisque in DEVM ac SUPEROS Religione, *se familiamque suam illustrans*, eius studium ut augetet, nobilissimum.

Amersfordiense Coenobium ære suo liberaliter extruxit munificentissimèque fundavit: aliàque per Dioecesim suam Virginibus asceteria si non condidit, at certè sacrauit; ouiculas sibi commissas identidem monens, vt pro peccatorum freno, metum Gehennæ cordi suo continuo inscriberent, & ad divini iudicij perpendiculum omnia librarent: quâ & ipse unâ gradiens, ac de virtute in virtutem ambulans *sancti* nomen decusque obtinuit, & multis ad sepulchrum (quod in Ecclesia Amersfordiensi sibi vivus statuerat) miraculis inclaruit. Quæ hæresi isthic grassante deleta quia me latent, de ijs hîc vel invitus tacere cogor, Divinæ providentiæ consilijs demissè ac patienter omnia committens. *Ex Chron. Ultraiect. & Bucellino.*

X,

ESSENDIA *Provincia* istius *Caput* Festo cultus prosequitur SS. COSMAM & DAMIANVM *Martyres, quorum gladius istic sanguine rubens inter rara Lipsana monstratur. Ex Ann. Perarij & sacro istius Ecclesiæ indice.*

XI.

HEINSBERGA *Julia* non ignobile monumentum, magnum CHRISTI *Athletam* GAN-
GULPHUM.

GULPHUM celebrem habet ex VARENNIS Maiorum pietate istuc translatum ægris, inquilinis frequens sanitatis asylon. *Ex Chart. Canoniorum.*

XII.

DUSSELDORPII in *principe Æde adventus* S. PANCRATII Martyris, qui nobili in Phrygia genere natus, ac Roma à Pontifice baptizatus, cū dijs sacrificare constanter renuisset, decem & quatuor annorum adolescens, virili fortitudine, Diocletiani & Maximiniani Imperatorum gladio cecidit, plus ex vulnere glorie quàm sanguinis profundens. *Ex Hist. Eccles. & vita Divi.*

XII.

IN eodem tractu Montano sub idem tempus, venerabilis IOANNIS de Hericheim Cistertiensis in Veteri Monte Conversi, quem admirabilis demissio, labor assiduus, continua taciturnitas, studiūque precationis, aliæque virtutes ita Deo comendabant, ut primus omnium, dignus habitus sit, cui B. ENGELBERTI vix consummatum Martyrium divinitus revelaretur. *Ex vita S. Engelbertus.*

XV.

SONSBECA pervetusta Clivie vrbs, non Principe, sed suburbano eius in templo, patrocinium

cinium habet S. GERBERNI M. quem incolæ, & accolæ more maiorum constanti precipuôque honore colunt. *Ex Ann. Per. & Heimericij.*

XVI.

TRiumphat hodie ESSENDIA S. MARSI Reliquijs, ab OTTONE istius nominis *tertio Imperatore* isti loco donatis. Cui Religiosissimo Imperatori solemne fuit Diuorum multorum Ossa è tenebris in lucem, magnificâ pompâ transferre, prout & S. MARSI huius Lipsana urnæ ex auro tum subtilitate operis variatæque, tum gemmarum splendore visendæ, piè inseruit. *Ex tab. Essend.*

XVIII.

VPSALIT in *Suecia* olim colebatur S. ERICVS *Martyr ex sanguine* B. RICHEZÆ *Rex SUECIÆ, S. CHRISTINÆ maritus Patriæ & pauperum præcipue pater: libidinis æstus glaciali aquâ suffocavit. Finlandiæ Victor fidem intulit. & contra SÜENONEM Daniæ Regis Filium Cruce signatus, aperto campo conflagens, Numine ita volente piè cecidit Per quietem pridie pugnæ hanc sibi vocem, ut fertur, audire visus est vis esse Martyr? cui ipse Amen reponendo annuit. An præsignificatio*

significatio, an pium somnium id fuerit, in medio relinquo; sanè Christi causa gloriose occubuit, & quo in loco sanguinem fudit, fons continuo exortus, aquas fundit agris passim salutare. *Fast. Mar.*

XIX.

PROPE REGIOMAGVM in Monte S. APOLLINARIS, memoria B. CVNONIS Ratisbonæ ad Istrum Episcopi, Præposituræ & Templi Montis B. Apollinaris munificentissimi Conditoris, qui mortalis vitæ usuram clausit anno Christiano M. C. XX. & æternam sibi beneficâ manu aperuit. *Ex Fast. Gelen.*

XXII.

SINZICHII a multis retrò seculis, CONSTANTINI MAGNI *Festiva lux*; qui postridie cum hostibus congressurus, intempestâ nocte ingentem & lucidam libero in æere CRUCEM *felix VICTORIÆ portentum* istic contemplatus est, quâ per legiones, ab aliferis prælatâ, hostes armis & simul idololatriâ exiit. *Trophæi quoque uisæ illius in Calo Crucis, loco ingens ad Rheni ripam, templum Crucis formam referens, CONSTANTINI Mater S. HELENA posuit; Decre-*

N

tüm-

túmque communibus votis est, ut fluuius campum victoriæ coronans, *ARULÆ* nomen ab aris novis *Vbiorum*, ibidem in memoriam *S. Crucis aedificatis* & à victorioso viso signo, oppidum *SINSIG* (ut fama obtinuit) nomen traheret, ac quotannis *calitùs pugnati prelij diem*, gratâ Religione incolæ recolerent. *Ex Annal. Patria.*

XXV.

AD *fluvium* *ARNAPHAM*, *BERCHEMII* *Iuliae* pago, *B. EGILHARDI Martyris Abbatis* *S. CORNELII* ad *INDAM Octavi*, quem *A. Christiano DCCCL.* *Normannorum* impius gladius sustulit. *Exstat eius nomini dicatum sacellum*, bellorum cælique injurijs ferè collapsum in *Silva* prope *Bolendorph*, ipsius nomen *S. Egilhard* referens. *Ex Patria Annalibus.*

XXVI.

MONS *VETVS illustrium Animarum* ferax, hodie *S. LIVOLDO Diacono* & *S. CLEMATIO illustri Patritio*, cum cælo applaudit, quorum consilio, labore, industria in tumulandis *S. VRSVLÆ SODALIBVS* *S. AQUILINVS* præcipuè usus est. *Ex vind. Vrsulanis R. P. Hermanni Crombach Soc. IESV.*

XXIX.

XXIX.

DIETKIRCHII sancto agone migravit in cælum, illustri nata genere *Irmentrudis de Milendunck* eius loci *Antistita*, innocentiae, beneficentiae erga pauperes, ac reliquarum virtutum, dum vixit, luce radiare visa est. Inedia illi longa & constans, asseres lectulus; totaque in amore Dei ita erat, ut crebro suspiraret: *Deus meus & omnia. Deus se tibi, tu te Deo.* Morti vicina *Veni mi Iesu!* inquit, *dulcissime ut devincta tibi, à te nullà aeternitate avellar.* Dixit & vixit. Tumulum proprio in Templo invenit. *Ex Necrologio.*

XXX.

ALVISGRANI in Monte S. SALVATORIS, annua lux B. STEPPONIS Presbyteri, qui ita modestè, piè religiosèque versatus est, ut à DEO præcipuà dote ad id munus delectus videretur, qui femineum sexum ad regularum perfectam observantiam animaret, affirmabant (qui illum pernoverant) ipsum Deo semper adfuisse, ac velut in beata vita in terris versatum, omnibus omnia factum, insigni sibi commissarum animarum lucro, *Vir qui multum edificaret, destrueret nihil.* *Ex loci Necrologio.*

N 2

XXXI.

HEISTERBACVM *magnorum virorum sanctus*
Hager, gemina hodie producit virtutum Ger-
mina, venerabilem HERMANNVM Abbatem &
WILHELMVM Monachum (vti vocant) Conuer-
sum, quorum primus magistratu admissò, de-
missione ac pietate omnibus charus fuit. Nun-
quam verbo minùs amabili aut perturbato, vl-
lum alloqui est auditus: vino quoque ac bel-
larijs nunquam aut raro usus. Alter mundo
latere & soli patere DEO elegit, qui ipsi omnia
erat, Ex Fastis Gelenianis.

IVNIVS.

II.

AQVISGRANI triumphus SS. PETRI *Ex-*
orcistæ & MARCELLINI: quorum primus
imperante Diocletiano, Artemij præfecti
carceris filiam à Dæmone agitātā liberavit, eamq;
cum vniuersa familiā ad S. MARCELLINVM perdu-
xit, à quo & sacris undis abluti sunt. Quapropter
à Diocletiani præfecto Sereno asperius castigati
cum neque blanditijs, neque minis à recta fi-
de declinantes, sed constantiores aduerteret,
missos in carcerem, & pugnis contusos securi
percuti